

("Službene novine Kantona Sarajevo", broj 12/08), Općinsko vijeće Trnovo, na 23. sjednici, održanoj dana 20.06.2020. godine, donosi

**CJENOVNIK  
O VISINI NAKNADE ZA POSTAVLJANJE SADRŽAJA  
NA FASADAMA GRAĐEVINA NA PODRUČJU OPĆINE  
TRNOVO ZA 2020. GODINU**

Član 1.  
(Predmet)

Ovim Cjenovnikom utvrđuje se visina, način obračunavanja i naplate troškova naknade za postavljanje reklama, reklamnih panoa, tendi, displeja, zastava, reklamnih vitrina, oglasa ili izrade murala, postavljanje klima uređaja, satelitskih antena, kablovskih sistema i sličnih sadržaja na fasadama građevina na području Općine Trnovo.

Član 2.  
(Visina naknade)

Visina naknade utvrđuje se na sljedeći način:

- a) za postavljanje reklamnih panoa i murala 10,00 KM/m<sup>2</sup>-mjesečno,
- b) za postavljanje reklame čija je površina iznad 0,5 m<sup>2</sup> 5,00 KM/m<sup>2</sup>-mjesečno,
- c) za postavljanje displeja (svjetlećih) 10,00 KM/m<sup>2</sup>-mjesečno,
- d) za postavljanje transparentata, oglasa i sličnih sadržaja 15,00 KM-dnevno,
- e) za ostale sadržaje koji nisu obuhvaćeni prethodnim tačkama 10,00 KM-dnevno i
- f) za postavljanje klima uređaja, kablovskih sistema, satelitskih antena i sličnih sadržaja, za koje se izdaje odobrenje sa neograničenim rokom trajanja, naknada iznosi 3% ukupne investicione vrijednosti, uključujući vrijednost opreme i uređaja-jednokratno.

Član 3.

(Utvrđivanje naknade)

Troškovi naknade iz člana 2. ovog Cjenovnika padaju na teret investitora, utvrđuju se posebnim rješenjem koje donosi Općinski načelnik putem Službe za urbanizam, u postupku rješavanja zahtjeva za izdavanje odobrenja za postavljanje određenog sadržaja.

Član 4.

(Primjena Cjenovnika)

Ovaj Cjenovnik će se primjenjivati do stupanja na snagu Cjenovnika za narednu godinu.

Član 5.

(Stupanje na snagu)

Ovaj Cjenovnik stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-1583/20  
22. juna 2020. godine  
Trnovo

Zamjenica predsjedavajućeg  
Općinskog vijeća Trnovo  
**Branka Kenjić, s. r.**

Cjenovnik objavljen na oglasnoj ploči Općine Trnovo dana 22. 6. 2020. godine

**OPĆINA VOGOŠĆA  
Općinsko vijeće**

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćen tekst, 14/15 i 9/20) i člana 11. stav 1. Odluke o priznanjima Općine Vogošća, ("Službene novine Kantona Sarajevo", broj 9/14), Općinsko vijeće Vogošća na sjednici održanoj 22.06.2020. godine donijelo je

**ODLUKU**

**O DODJELI PRIZNANJA OPĆINE VOGOŠĆA ZA 2020. GODINU**

Član 1.

Ovom Odlukom Općinsko vijeće Vogošća dodjeljuje priznanja Općine Vogošća u povodu 24. juna Dana Općine Vogošća u skladu sa kriterijima i mjerilima za dodjelu općinskih priznanja.

Član 2.

Općinska priznanja u 2020. godini dodjeljuju se.

**1. "Zlatni grb sa plaketom Općine Vogošća" dodjeljuje se:**

1. Prim. dr. Junuzović Behrem - posthumno
2. Čekić Ema

**2. "Plaketa Humanista godine Općine Vogošća" dodjeljuje se:**

1. Omladinsko udruženje "Tempo"
2. Uposlenici OJ Dom zdravlja Vogošća
3. **"Zahvalnica Općine Vogošća" dodjeljuje se:**
1. JU OŠ "Mirsad Prnjavorac"
2. JU OŠ "Izet Šabić"
3. Prim. dr. Omerspahić Safet - posthumno
4. Đogić Jasmin
5. Kozic Merima
6. Zukić Mirnes
7. Karate klub "SAMBON" Vogošća
8. Cvrk Čamil
9. MuhićAdil
10. Vatrogasno društvo "Vogošća"
11. Obrtnička djelatnost DIZAJN
12. HDI d.o.o.

Član 3.

Općinska priznanja iz člana 2. ove Odluke uručuju se na svečanoj sjednici Općinskog vijeća povodom obilježavanja Dana Općine Vogošća.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-444/20  
22. juna 2020. godine  
Vogošća

Predsjedavajući  
Općinskog vijeća Vogošća  
**Tarik Curić, s. r.**

Na osnovu člana 25. stav (10) Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćen tekst, 14/15 i 9/20), Općinsko vijeće Vogošća, na sjednici održanoj 22.06.2020. godine donijelo je

**ODLUKU**

**O IZMJENI ODLUKE O PRISTUPANJU IZRADI  
URBANISTIČKOG PROJEKTA "TRŽNICA PIJACA  
VOGOŠĆA"**

Član 1.

U članu 4. Odluke o pristupanju izradi Urbanističkog projekta "Tržnica Pijaca Vogošća" ("Službene novine Kantona Sarajevo", broj 15/19), stav 4., alineja 2. i alineja 3. mijenjaju se i glase:

- Planirati izgradnju objekta tržnice sa otvorenom natkrivenom pijacom.
- Planirati objekte kolektivne stambene namjene čije gabarite je potrebno prilagoditi konkretnim prostornim mogućnostima uz poštivanje odnosa prema susjednim objektima.

U članu 4. stav 4., alineja 5. se briše.

U članu 4. stav 4., alineja 8. se mijenja i glasi:

Građevinska linija objekata prema Igmanskoj ulici treba da bude na optimalnoj udaljenosti, kako bi se u oblikovanju i kompoziciji ulične osovine u kontinuitetu ispoštovala postojeća linija izgrađenosti. Ovaj prostor posmatrati kao otvoreni prostorni akcent, gravitacijsko središte/tačku u formi uređenog trga podređen pješaku, koji će zbog korištenja i interesovanja korisnika budućih javnih sadržaja (tržnica, pijaca, trgovine, ugostiteljstvo, uslužni sadržaji - banka, pošta i sl.) i uvođenja stanovanja u prostor biti veoma frekventan. Prostor predstavlja potencijal u jačanju kontinuiteta pješačkih i zelenih poteza, pa je potrebno ostvariti vezu sa susjednim cjelinama - veza na istoku preko Jošaničkog potoka prema Domu zdravlja, na jugu prema otvorenoj parkovskoj površini, i slično.

U članu 4. stav 4., alineja 9. se briše.

Član 2.

U članu 4. stav 5. Zelenilo, alineja 3. se mijenja i glasi:

- Hortikulturno rješenje uz objekte stambene i poslovne namjene treba da je u skladu sa prostornim mogućnostima i konceptom organizacije same zone.

Član 3.

Ova Odluka stupa na snagu osmog dana, od dana objavljivanja u "Službenim novinama Kantona Sarajevo".

Broj 01-02-930/16  
22. juna 2020. godine  
Vogošća

Predsjedavajući  
Općinskog vijeća Vogošća  
**Tarik Curić**, s. r.

